

San Pablo Efeso

vũ'ejoopo pa'inare chũ'o tocha saosi'ea'me

Chũ'o saosi'ea'me

1 ¹ Chũ'u, Pablo, Diopi chũ'uuna Repau chũ'ore chũ'vaa'ku chini Jesu-cristo saocojñosi'kua'mu. Jã'aja'ñe pa'ikuji ija'ova utija'ova tocha saomu chũ'u musanukonare Efeso vũ'ejoopo pa'inare Dios neenare Jesucristo'te cuhama'ñe cuasanare. ² Mai Ja'ku Dios Maire Paaku Jesu-cristona'me musanukona rekoñoãna re'oja'che pa'iche'te cho'okaijuna re'oja'che pa'ijũ'u.

Dios maire Jesucristo neenajejuna re'oja'che cho'okaimu

³ Dios maire Jesucristo neenajejuna mai rekoñoã si'ache re'oja'che cho'okaimu Repau pa'icheja saijanajejuna. Jã'ajekuna Maire Paaku Jesu-cristo Puka'kure Diore pojojũ, "Re'orepamu", chiñu mai. ⁴ Chuta'a cheja cho'omarumuna chẽasi'kua'mu Dios maire, na'a pa'isirumuna maipi Jesuni jovo Repau neenajejũ Ucuau ñaku'te re'oja'che cho'ojũ paaru chini. ⁵ Maini oiũ apereparumu chuta'a mai peorumu maipi Repau chiĩ paaru chini chẽa jo'kaasomu Dios, Jesucristo cho'okaijachejekuna. Dios maire cho'ora chiisi'e ũcuarepa cho'osi'kua'mu Repau, Repauni cho'ouakuna. ⁶ Repau maire re'oja'che cho'okaiche'te maipi ña pojojũ Repauni re'oja'che i'kaa'ju chini jã'aja'ñe cho'osi'kua'mu Dios. Maire Jesús neenare rua re'oja'che cho'okaimu Repau Jesure rua chiikujekũ. ⁷ Dios maire oiũ rua re'oja'che cho'okaisi'kua'mu Jesucristo neena paaru chini. Jesucristo maire Repau chiepi jũni ro'ikaisi'jekuna Repau neenajejuna Dios maire, "Cu'ache cho'osi'e ro'iche peomu inare", chijja'mu. Jã'ajekuna mai cu'ache cho'osi'e jo'e cuasama'mu Dios. ⁸ ũcuachi'a maipi Repau pa'iche'te karama'ñe masijũ maire Repau cho'okaiche'te masia'ju chini maini oiũ rua re'oja'che cho'okaisi'kua'mu Dios. ⁹ Repau aperumu, "Jã'aja'ñe cho'o-

ja'mu chu'u", chiisi'e Jesucristo irumu cho'osi'e churana maipi masia'ju chini te'eruhiñe peore kamu Repau aperumu kumamesi'e. ¹⁰ Repau chiisirumu ti'ato cheja pa'inare cho'ora chini cuasasi'e peore cho'o pi'nija'mu Dios. Reparumu sunaumu pa'inana'me cheja pa'ina ucuanuko Jesucristo neenachi'a pa'iju karama'ñe re'oja'chechi'a ja'me paaru chini cho'oja'mu Repau.

¹¹ Maire Jesucristo'te cuasanare aperumuna cheasi'kujeku irumu soisi'kua'mu Repau maire, Repau neena paaru chini. Si'arumu si'ache cho'omu Dios Repau chiicheji ucuarepa ti'jne'ku chini. ¹² Chukuna'te judiopai Jesucristo'te charo cuasaju jovosinani cheasi'kua'mu Dios, chukunapi re'oja'che pa'ijuna paipi ña Repauni re'oja'che cutua'ju chini. ¹³ Musanukona ucuachi'a Dios chu'orepa asasirumu, "Repauni cuasaju jovoru Dios musanukona rekoñoa re'ojarekoñoa care'vakaija'mu", chiiche'te asa chea Jesucristo'te jovosinaa'me. Jovorena Dios musanukonare Jesucristo neenajejuna Repau Rekocho'te raosi'kua'mu, ja'me pa'ina Repau cho'okaisi'ere masia'ju chini, ucuachi'a musanukonare Jesucristo paache'te masia'ju chini. ¹⁴ Dios Rekochoji ja'me pa'ina maire Repau re'oja'che cho'ojachere jachama'ñe cuasaju cha'ame mai, chuta'a karache isirumujatu'ka. Reparumu ti'auna Repau'te si'ache re'oja'che cho'okaiku'te pojoju re'oja'che i'kajanaa'me mai.

Pablo Dioni seekaimu repanapi re'oja'che pa'imasia'ju chini

¹⁵ Jajekuna musanukonapi Maire Paaku'te Jesure cuasaju Dios neenare ucuanukore oijuna ja'are asasirumupi vna, ¹⁶ Diore seni si'arumu, "Re'orepamu", chiiu pa'imu chu'u musanukonani seekaiu. ¹⁷ Mai Ja'kure Diore si'arumu ija'che seekaiu pa'imu chu'u musanukonare, Maire Paaku'te Jesucristo'te Paaku'te, Peore Masiku'te: "Ja'ku, mu'u Rekocho'te chu'ujju'u, repanani che'chonna cuasamasiju mu'u pa'iche'te na'a rua masia'ju", chiimu chu'u Repau'te. ¹⁸ Ucuachi'a Repaui musanukona rekoñoana che'chokuna Repau re'oja'che cho'okasa chini soisi'ere masiju pojoju cha'aa'ju chini Diore seekaimu chu'u musanukonare. Re'oja'che si'ache karama'ñe isija'mu Repau musanukonare Repau neenare. ¹⁹ Ucuachi'a maire Repau'te cuasanare Repauchi'a peore masiku cho'okaiche'te asa masia'ju chini Diore seekaimu chu'u musanukonare. Peore Masiujeku, ²⁰ Cristo'te, jüniso tajoñosi'kure vaso eto Repau pa'ichejana sunaumuna mua Repau ujjajutu cakã'kore ñu'iu ja'me chu'ua'ku chini jo'kaasomu. Jajaja'ñe peore Cho'omasikujeku maire ucuaaja'che Repau masicheji rua cho'okaimu.

²¹ Diopi chu'ununa chekunare ucuanukore chu'uku'mu Cristo. Rua masinareje'e na'a rua masimu Repau. Aijeku angel chu'unare chu'uku'mu. Ucuachi'a pai chu'unana'me vati chu'unu ucuanuko Repau usema'ñechi'a

cho'onaa'me. Chura pa'inare chũ'unana'me na'a pa'isirummu pa'ijanare ũcuanukore repana cho'oñu chiiche'te ũseuato ũseku'mu Repau. 22-23 Diopi jo'kauna peore Cristo neea'me. Aijeku Peore Masiku Repau cho'ora chii-che peore cho'oku Repau'te cuasanare ũcuanukore si'achejnarua pa'inare re'oja'che cho'okaiu paaku'mu Repau. Mai Repau'te cuasana kueñe pa'inajeju Repau ca'nivujaj'ne pa'inaa'me. Repauta'ni maire Repau neenare chũ'ukujekũ mai rekochoja'che pa'iku'mu. Pãiu'te rekochona'me ca'nivu paato karama'mu repau'te. Repau Cristo peore Masiujekũ, peore Paaku, si'achejña pa'iu si'ache cho'oku'mu. Jã'ajekũna maire Repau neenare pa'imasische karama'mu, Repauji cho'okaiuna.

Dios maire oiũ chẽa paamu

2 ¹ Aperumu musanukonapi cu'achechi'a cho'oñu chijuna cuhekũ sėjosi'kua'mu Dios. Repauji ñato jũnisosinaja'ne pa'isinaa'me musanukona. ² Reparumu musanukona Diore cuasamanajeju cu'ache cho'ojũ Diore cuasamana pa'iche pa'isinaa'me. Vati ai paana pa'isinaa'me musanukona. Repau vati ai Diore jachanare chũ'uku'mu. ³ Mai ũcuanuko Diore jachana pa'isinaa'me aperumu. Si'ache cu'ache maire cho'oñache cho'ojũ mai cuasache cu'a ũcuauache vajuchuache cho'osinaa'me mai. Jã'ajekũna Dios chekunare pãiu cu'ache cho'onare pe'rukũ sėjoku maire ja'me sėjosi'kua'mu. ⁴ Jã'ata'ni Pãiu Oi Aijekũ maire rua chiikujekũ Dios ⁵ maire cu'are cho'ojũ rekoñoã jũnisosinaja'ne pa'inareta'ni chẽa paaku mai rekoñoã vajuche ĩsisi'kua'mu Repau. Maini oiũ peore Masiujekũ Jesucristo'te vasosi'kupi ũcuachi'a mai rekoñoã re'ojarekoñoã care'vakaisi'kua'mu Repau, re'oja'che paaru chini. ⁶ Repau Dios maire Jesucristo neenajeju Repau'te vasosi'epi mai rekoñoã vajuche'te ĩsi Repau'te kueñe pa'iche jo'kasi'kua'mu. ⁷ Jesucristo neenajeju na rua re'oja'che cho'okaiku'mu Dios maire, na'a pa'isirumuna pãipi ña ija'che i'kaa'ju chini: “Dios Pãiu Oi Aijekũ Repau neenare si'ache re'oja'che cho'okaimu”, chijũ masial'ju chini. ⁸ Dios maire Repau'te cuasanare oiũ mai rekoñoã re'ojarekoñoã care'vakaisi'kua'mu re'oja'che paaru chini. Mai rekoñoã meñe care'vavesume mai. Diota'ni Masikujekũ maire rupũ cho'okaisi'kua'mu. ⁹ Maipi, “Chukũna rua pa'imasinnaa'me”, chiimaneal'ju chini mai rekoñoã meñe care'vamasiche jo'kamanesi'kua'mu Dios maire. ¹⁰ Diopi cho'oña pa'inaa'me mai. Maire Jesucristo neenare soisi'kua'mu Repau, re'oja'che cho'ojũ aperumu Repau maire jo'kasi'ere cho'ojũ paaru chini.

Jesucristoji cho'okaiuna re'oja'che ja'me pa'ire'omu maire

¹¹ Jã'ajekũna musanukona judío peona aineesina iere cuasajũ'u: Judíopãiu, “Dios neenajeju jĩkora'muru chã'tiru pa'ical'niru chũto tuacojĩnosinaa'me chũkũna”, chiime. Musanukonani cuheju, “Dios neena peonajeju jĩ-

kochã'tirũ chũto tũacojñomanesinaa'me ina”, chiime repana. Jã'ata'ni jã'aja'ñe cho'oche rupũ pãi cho'oche'me, chekũna pãi ca'nivũã chũtoche. ¹²Aperũmũ mũsanũkona judío peona Cristoni vesũjũ Repaũ neena pa'imaneseinaa'me. Israelpãi ja'me pa'icu'asi'kũa'mũ mũsanũkonare, repanapi cuhejũna. Ũcuachi'a Dios neena peonajejũ Repaũ, “Cho'okaija'mũ chũ'ũ”, chiisi'e koomanejana pa'isinaa'me mũsanũkona. Dioni vesũjũ Repaũni cuasama'ñe pa'ijũna Repaũ pa'icheja saiche peosi'kũa'mũ mũsanũkonare, cho'okaikũji peokũna. ¹³Jã'ata'ni Jesucristo Repaũ chiepi jũni ro'ikai'si'ejekũna mũsanũkona Repaũ neena aperũmũ rũa so'o pa'isina Diore kueñe pa'ime chura. ¹⁴Repaũ Cristoji cho'okaisi'ejekũna Ũcuana'me re'oja'che pa'ime mai chura. Mai ũcuachi'a judíopãina'me judío peona ũcuauko Repaũna'me re'oja'che pa'ijũ sãĩnechi'a re'oja'che ja'me pa'ime. Repaũ cho'okaisi'ejekũna sãĩnechi'a cuhema'me mai chura. Ka'chakuanu pa'isina ũcuate'eũjakuanupũ pa'ime chura.

¹⁵Aperũmũ Dios chũ'ũ jo'kasi'e peore cho'omanesinare ro'iche pa'isi'kũa'mũ, jachache ro'i. Chura jã'aja'ñe pa'ima'mũ maire, Dios chũ'ũñe jachanareta'ni Cristo jũni ro'ikaisi'ejekũna. Aperũmũ mai sãĩnechi'a cuhesinaa'me. Chũkũna judíopãi Dios chũ'ũ jo'kasi'e masina mũsanũkonare judío peonare cuhesinaa'me Dios chũ'ũ jo'kasi'ere vesũjũna. Churata'ni Cristo'te Ũcuate'eũ'te cuasanajejũ majapãija'ñe pa'ime mai. Jã'aja'ñe pa'inajejũ sãĩnechi'a re'oja'che ja'me pa'ime mai. ¹⁶Maipi ũcuate'eũjakuanupũ pa'ijũ ũcuauko Dioni re'oja'che ja'me paapũ chini mai sãĩnechi'a cuheche'te sējokaiũ jũni ro'ikaisi'kũa'mũ Cristo maire. ¹⁷Repaũ Cristo caje mũsanũkonare judío peonare so'o pa'isinana'me chũkũna'te judíopãire, “Diore kueñe pa'ime mai”, chiisinare Dios chũ'ore chũ'vasi'kũa'mũ Repaũ maipi Diona'me re'oja'che pa'ijũ sãĩnechi'a re'oja'che ja'me paapũ chini. ¹⁸Repaũ cho'okaisi'ejekũna Repaũ Rekocho Ũcuate'erekochoji maini ka'chakuanupũã pa'isinani ũcuaukore ja'me pa'iu cho'okaiũna mai Ja'kũre Diore kueñe pa'ijũ Repaũ'te sēere'omũ maire.

¹⁹Jã'ajekũna chura mũsanũkona judío peona Diopi ñato tĩinama'me. Chekũnare Dios neenare majapãija'ñe pa'ime mũsanũkona chura. Mai ũcuauko Dios chĩia'me. ²⁰Mai ũcuauko Dios vũ'e chuta'a cho'o pi'nimavũ'aja'che pa'ime. Dios maire re'oja'che pa'iche che'chokũ vũ'e rũa re'ojavũ'e cho'ocheja'che cho'omũ Repaũ maire. Chũkũnapi Jesús saosinana'me Repaũ chũ'o kũanapi chũ'vajũna asa chẽa cuasajũ jovosinaa'me mũsanũkona. Jesucristoji jũni ro'ikakũna chura ũcuauko Dios neenaa'me mai. ²¹Cristoji cho'okaiũna mai ũcuauko sãĩnechi'a re'oja'che ja'me pa'ijũ Dios vũ'e chuta'a vee pi'nimavũ'ejekũna si'arũmũ na'a rũa re'ojavũ'e veeñeja'ñe pa'ime mai. ²²Jesucristoji cho'okaiũna mũsanũkona judío peona ũcuachi'a Repaũni cuasajũ pa'iche re'oja'chere che'chejũ vũ'e rũa re'ojavũ'e cho'ojũ pa'icheja'che pa'ime. Ũcuachi'a Repaũ Rekochoji

musanukona rekoñoäre ja'me pa'iuna chukunana'me Dios vü'e re'oja-vü'eja'che pa'ime.

Pablo'te judío peonare chü'vaa'kü chini jo'kasi'ea'me

3 ¹ Chü'ü, Pablo, musanukonare judío peonare Jesucristo pa'iche chü'vakuna päipi chëa cuaorena päi chëavü'ere pa'imü. ² Dios chü'üni re'oja'che cho'okaiü Repau chü'o musanukonani judío peonani chü'vaa'kü chini jo'kasi'kua'mü. Jä'a asacosome musanukona. ³ Chü'üpi chü'vaa'kü chini aperümü kuamanesichü'o churana kuasi'kua'mü Dios chü'üre. Chura repachü'o küache jmamakarü küakü tochasi'kua'mü chü'ü musanukonare. ⁴ Musanukonapi ija'ova'te peore ñani Cristo musanukonare judío peonare cho'okaiche'te aperümü kuamanesi'ere chü'ü masiche'te ña masijanaa'me. ⁵ Aperümü pa'isinare irümü mai masiche kuamanesi'kua'mü Dios. Chura Dios Rekocho chükuna'te, Repau neena Jesucristo saosinana'me Repau chü'o kuanare kuasi'kua'mü, che'choajü chini. ⁶ Iea'me Repau chura küacuhasi'e: Chura Jesucristo'te cuasache küachü'ore asa chëa judío peona Dios chü'ia'me judiöpäina'me. Chura ücuate'eujakuanupü pa'ijü peore Jesucristo cho'okaiche'te ja'me koojanaa'me.

⁷ Musanukonare judío peonani Dios chü'üre Jesucristo'te cuasache küachü'ore si'arümü chü'vakü paau chini jo'kasi'kua'mü. Peore Masiküjekü chü'üpi masi chü'vaa'kü chini cho'okaimü Repau chü'üre. ⁸ Chü'üre Repau neenare na'a rüa cu'ache cho'osi'küreta'ni soisi'kua'mü Dios, musanukonare judío peonani Jesucristo Repau neenare karama'ñe re'oja'che cho'okaiche'te chü'vaa'kü chini. ⁹ Ücuachi'a chü'üre si'aväjü-päi che'choche jo'kasi'kua'mü Dios, chejana'me repacheja pa'iche peore Cho'osi'kü aperümü cho'ora chiisi'e kuamanesi'ere repanapi masia'jü chini. ¹⁰ Jä'aja'ñe cho'osi'kua'mü Repau irümü canapi si'aväjü-päi judiöpäina'me judío peona Jesure cuasajü ja'me chi'ijü ücuate'eujakuanupü pa'ijüna ángelena'me vati Repau si'ache peore masiche'te ña masia'jü chini. ¹¹ Aperümü Dios Repau cho'ora chiisi'e Jesucristoni Maire Paaküni chü'üna cho'ocuhasi'kua'mü. ¹² Chura Jesucristoji Maire Paaküji cho'okaiüna, “Dios chü'üre pojoja'mü”, chiijü cuasa, vajuchuma'ñe Diore sëere'omu maire Repau'te cuasanare. ¹³ Jä'ajekuna chü'ü musanukonani chü'vakü cu'ache cho'ocojñö'ne'te cuasajü sumava'na pa'imanejü'ü, chiimü chü'ü. Chü'üpi musanukonani re'oja'che cho'okaiüna pojojü'ü.

Jesucristo maire rüa chiimü

¹⁴ Jä'are peore cuasakü ro're ñu'ia mai Ja'küni sëekaimü chü'ü musanukonare. ¹⁵ Ücuajü cho'oüna si'aväjü-päi cünaümü pa'inana'me cheja pa'ina pa'ime. ¹⁶ Mai Ja'küni sëekaimü chü'ü, si'ache peore Paakü Dios, Rekochoji musanukona rekoñoäna cho'okaiüna na'a masi cuasajü cu'a-

che j̄vomasij̄u re'oja'che paaru chini. ¹⁷Cristoji musanukonare Repau'te cuasanani ja'me pa'iu chũ'ukuna Repau chiiche cho'oj̄u paaru chini s̄em̄u chũ'u. Ūcuachi'a Repauji cho'okaiuna musanukonapi chekunami si'arum̄u cuasaju paaru chini s̄em̄u chũ'u. ¹⁸Mai Jesús neenapi Repau maire chiiche'te ūcuanuko masiñu chini s̄em̄u chũ'u. Repau maire cuasaku r̄ua oīu re'oja'che paam̄u. ¹⁹Cristo maire oiche'te na'a r̄ua masia'j̄u chini s̄ekaim̄u chũ'u. J̄ã'ata'ni ruarepajekuna peore masicu'am̄u maire. Diopi re'oja'chechi'a Pa'ik̄uji musanukonani re'oja'che cho'okaiuna Repau pa'icheja'che re'oja'che pa'imasia'j̄u chini s̄em̄u chũ'u.

²⁰Dios p̄ai ūcuanukore pojocoj̄nok̄u paau. Repau mai rekoñoã care'vakaik̄u'm̄u. Peore Masik̄ujek̄u si'ache re'oja'che cho'okaimasim̄u maire. Mai s̄eñe cho'okaīu s̄ema'ñej̄e' cho'okaim̄u. Mai s̄eñu chiiche na'a cajejaiche cho'okaīu mai s̄ecuasama'ñej̄e' si'ache peore re'oja'che cho'okaim̄u Repau. ²¹J̄ã'ajekuna Jesucristo maire cho'okaik̄ujekuna mai Repau'te cuasana Dioni si'arum̄u cuhama'ñe poj̄oj̄u pañu. J̄ã'aja'ñe paau.

Dios Rekochoji cho'okaiuna re'oja'che ja'me pa'iche'te k̄uam̄u

4 ¹Dios maire si'ache re'oja'che cho'okaik̄u'm̄u. J̄ã'ajekuna chũ'u Repau chũ'uñe cho'okaik̄ujek̄u p̄ai ch̄eav̄u'ere pa'ik̄uji musanukonare iere r̄ua chũ'vam̄u: Dios soicoj̄nosinaa'me musanukona. J̄ã'ajekuna Dios soicoj̄nosina pa'iche pa'ij̄ũ'u. ²“Masinaa'me ch̄ukuna”, chiima'ñe pe'ker̄u pa'ij̄u na'mi pe'ruma'ñe musanukonare ja'me pa'ina cu'ache cho'osi'e cuasama'ñe re'oja'che pa'ij̄u s̄aiñechi'a cuasaj̄ũ'u. ³Musanukona cava-mairo pa'ij̄u re'oja'che pa'iche ūhasoma'ñe Dios Rekochoji cho'okaiuna peore cho'ore'ochetu'ka cho'oj̄u si'arum̄u re'oja'che ja'me pa'ij̄ũ'u. ⁴Mai ūcuanuko Jesucristo'te Ūcuate'eu'te cuasanaj̄ej̄u Repau ca'niv̄ja'ñe pa'ij̄u ūcuate'ej̄ujakuanuru'me. Dios Rekocho maire ūcuanukore ja'me pa'im̄u. Dios maire ūcuanukore soisi'k̄ua'm̄u Repau pa'ichejana sara chini. J̄ã'are cha'ame mai ūcuanuko. ⁵Jesús maire ūcuanukore Paaku'm̄u. Mai ūcuanuko Ūcuate'eu'te cuasanaa'me. Mai ūcuanuko Jesuni cuasaj̄u okorocoj̄nosinaa'me. ⁶Dios maire ūcuanukore Paaku'm̄u. Mai ūcuanuko Ja'k̄ua'm̄u Repau. Maire ūcuanukore chũ'uk̄u Repau'te cho'okaimasiche'te jo'kam̄u. Ūcuanukore maire ja'me pa'im̄u Repau.

⁷J̄ã'ata'ni cho'omasiche ūcuanuko si'acairo koosinaa'me mai, Jesucristo ĩsira chiisi'e. ⁸J̄ã'ajekuna Dios chũ'o aperum̄u tocha jo'kasi'e ija'che k̄uam̄u:

Vati ch̄eã paasinare t̄ua c̄nap̄am̄una m̄uni re'oja'chere repanare jo'kasi'k̄ua'm̄u Repau,

chiim̄u. ⁹“M̄uisi'k̄ua'm̄u” chini, ĩje'se chiiku? Ija'che chiim̄u: “M̄uisi'k̄ua'm̄u” chini “Charo chejana cajesi'k̄ua'm̄u” chiim̄u. ¹⁰Cheja cajesi'k̄upi c̄nap̄am̄u j̄ã'acho'jena m̄uisi'k̄ua'm̄u, Dios pa'ichejare pa'iu peore chũ'ura chini. ¹¹Ūcuauji maire ūcuanukore cho'omasiche si'acairo jo'kasi'k̄ua'm̄u

Repawni cho'okaiju paapu chini. Chukuna'te te'enare paire Dios chu'ore aperumu kuanesichu'ore ku'iju chu'vaaju chini saosi'kua'mu Repaw. Chekunare Dios chu'o kuakaina paapu chini jo'kasi'kua'mu. Chekunare Repawni cuasaaju chini chu'vache'te jo'kasi'kua'mu. Chekunare Repaw'te cuasanani kuiraju paapu chini jo'kasi'kua'mu. Chekunare Repaw'te cuasana're che'choche'te jo'kasi'kua'mu. ¹²Jaja'ne cho'osi'kua'mu Cristo, maipi ucuanuko Repaw neenari Repaw ca'nivuja'ne pa'iju ucuate'eujakuanuru pa'iju Repawni cho'okaiju na'a rua masi cuasaju sainechi'a re'oja'che cho'okaiju re'oja'che paapu chini. ¹³Mai ucuanuko Dios Mamakuni Ucuate'eu'te cuasaju jaja'ne cho'oj Repaw pa'iche'te masiju si'arumu na'a rua re'oja'che pa'iju Repaw chiiche cho'oj pa'ijanaa'me. Ucuachi'a Dios pa'ichejana sani Repaw Cristo pa'icheja'che karama'ne re'oja'che pa'ijanaa'me mai.

¹⁴Maipi sainechi'a re'oja'che cho'okani chiiva'na vesucheja'che vesuma'ne pai jorena ucuaana rani chekere che'choto tuta saoma'neja'ne repa'na che'choche asa cheamanejanaa'me. Ucuarepare Dios chu'o jo'kasoma'ne cuasaju tiine pa'ina chu'o asa cheamanejanaa'me mai. ¹⁵Dios chu'o ucua'erepare asa chea pa'iju chekunare oiju si'arumu na'a rua re'oja'che pa'iju Maire Paaku Cristo chiiche si'ache cho'oj pa'ijanaa'me mai. Repaw Cristo Maire Paaku mai rekochoja'che pa'iku'mu. ¹⁶Mai ucuanuko Repaw'ji cho'okaiuna Repaw ca'nivuja'ne pa'inajegu ucuate'eujakuanuru pa'iju sainechi'a cuasaju mai cho'omasicheji re'oja'che cho'okaiju pai ca'nivu aineeja'ne si'arumu na'a rua re'oja'che pa'ime.

Cristo'te cuasana mama pa'iche'te kuanu

¹⁷Maire Paakuji chu'ukuna cu'ache cho'oma'ne paapu chini kuanu chu'u musanukonare. Ucuamakar Diore cuasamana pa'icheja'che pa'ijuu. Repa'na reko'noa peoche cuasaju peoche pa'inaa'me repa'na. ¹⁸Chija'ina nacu'acheja'che asavesume repa'na. Asacuhejuna Dios chu'o asoma'mu repa'na. Jaja'ekuna Diore cuasapau pa'ivesume repa'na. ¹⁹Asacuheju ucua'ache cu'ache cho'oj jvoma'ne si'ache tiine cho'onaa'me repa'na.

²⁰Musanukona Jesucristo'te apucasarumu jaja'ne pa'iche che'chemanesinaa'me. Jaja'ne'ma'mu Repaw neena pa'iche. ²¹Pa'iche ucua'erepare Jesus pa'iche asa Repaw neena pa'iche che'chesinacosome musanukona. ²²Jaja'ekuna aperumu musanukona pa'iju cho'osi'ejache cho'omaneju. Reparumu musanukona pojo'u chini si'arumu na'a rua cu'ache cho'oj peoche cho'oj pa'isinaa'me. ²³Chura musanukonare mamareko'noare pa'ajuna re'oja'chere cuasache pa'im. ²⁴Mamakaa saño sachacheja'che mama pa'ijuu. Pa'iche mamare jo'kasi'kua'mu Dios musanukonare, Repaw neenajegu Repaw pa'icheja'che re'oja'che pa'iju ucua'erepa cho'oa'ju chini.

²⁵Jaja'ekuna ucua'erepare jorechu'o i'kaju. Chekunare i'kani ucua'erepare i'kaju. Ucuano Jesus neenajegu ucuate'eujakuanuru pa'iju

majapãijanaa'me mai. ²⁶Teakuna cu'ache cho'omanejũ'u. Pe'rusi'e ũcuau-mucuse cavesusojũ'u. ²⁷Vatire cu'ache chũ'uñe jo'kamanejũ'u. ²⁸Ñaneena ñaañe jo'kaso cho'ochete cho'oju pa'ijũ'u. Cho'ochete cho'oju kuri koo chũova'na pa'iva'nare cho'okaire'ochete paajũ'u.

²⁹Cu'ache i'kama'ñe re'oja'chechi'a i'kajũ'u, musanukona i'kache'te pãipi asa vaju na'a re'oja'che paapu chini. ³⁰Cu'ache cho'omairo pa'ijũ'u, Dios Rekochoji Sumarekocho pa'imanea'ku chini. Repaaji ja'me pa'ina Repau pa'icheja saijache masime mai.

³¹Cu'ache cuasache'te ũhasojũ'u, teachena'me pe'ruju rua i'kache, chekunare cu'ache cutuchena'me chekunare si'ache cu'ache cho'ochete peore. ³²Sãinechi'a oiju re'oja'che cho'oju pa'ijũ'u. Dios musanukonare Cristo neenajejuna cu'ache cho'osi'e cuasama'ñeja'ñe musanukonare ja'me pa'ina cu'ache cho'osi'e cuasamanejũ'u.

Dios neena pa'iche'me

5 ¹Puka'kupi mamakuni oiuna puka'ku pa'iche'te mamaku ñaku che'checheja'che Muja'ku Dios pa'iche'te che'cheju pa'ijũ'u musanukona. ²Chekunare oiju pa'ijũ'u Cristo maire oicheja'che. Maini oiu Diopi pojoa'ku chini mai cu'ache cho'osi'e ro'i jũni ro'ikaisi'kua'mu Repau.

³Umupãi, murũjo peonare umuneema'ñe pa'ijũ'u. Romi ũcuaja'che muju peonare umuneema'ñe pa'ijũ'u. Cheke cu'a ũcuauache vajuchuache cho'oma'ñe pa'ijũ'u. ũcuachi'a chekuna nee tua paauache ñamanejũ'u. Jã'aja'ñema'mu Dios neena pa'iche. Jã'ajekuna peore jã'aja'ñe cho'ochete cutuma'ñe pa'ijũ'u. ⁴Chu'o cu'achena'me vë'vechu'o vajuchuache i'kama'ñe pa'ijũ'u. Dios neena pa'ichema'mu jã'a. Jã'aja'ñe i'kama'ñe pa'ijũ'u Dioni pojoju si'arumu, "Re'orepamu, Ja'ku", chiiju pa'ijũ'u. ⁵Ūcuare ie masime musanukona: Cu'ache cho'ona Jesús paamanajeju Dios pa'icheja saima'me. Umupãi repaana rũjo peonare romineenana'me romi repaana ũju peonare umuneenana'me cheke cu'a ũcuauache vajuchuache cho'ona Dios pa'icheja saima'me. ũcuachi'a chekuna paache ña tua paauache cuasana põsechi'a cuasaju Diore cuasama'me. Jã'ajekuna tũosiva'nani cuasaju pojocheja'che cuasanajejuna Dios pa'icheja saicu'amu repanare. ⁶Jã'ajekuna pãipi musanukonani, "Cho'ore'omu jã'a", chiito jachajũ'u. Dios jã'aja'ñe cu'ache cho'onare ñani pe'rukũ cu'ache cho'osi'e ro'iche chũ'umu, Repau chũ'uñe jachanajejuna. ⁷Jã'ajekuna musanukona repaana pa'iche ña chẽamanejũ'u.

⁸Aperumu musanukona Dios pa'iche'te vesuju chijachejaja'che cu'ache cho'oju pa'isinaa'me. Jã'ata'ni musanukona chura Maire Paakuni cuasaju miañeja'ñe re'oja'che pa'ime. Jã'ajekuna miañeja'ñe re'oja'chete cho'oju pa'ijũ'u. ⁹Jesuni cuasaju miañeja'ñe pa'iche ija'chea'me: Si'ache re'oja'che cho'ochena'me Dios chũ'uñe cho'ochena'me ũcuarepa cho'ochete. ¹⁰Maire

Paaku chiiche'te che'che cho'ojũ pa'ijũ'ũ Repaũji pojoa'ku. ¹¹ Chijachejaja'che pa'ina peoche cho'oche ja'me cho'oma'ñe pa'ijũ repaana cho'oche ñani, "Cu'ache'te cho'ome musanukona", chiijũ'ũ, repaana cho'oche'te masia'jũ. ¹² Repaana rope'le cho'oche i'kavajuchũache'me. ¹³ Jã'ata'ni musanukonapi i'kato miañe peore ñoñeja'ñe repaana cu'ache cho'oche cuasoja'mũ repaana. Chekũrũmũ repaana cu'ache cho'oche'te cuasani ũhaso miañeja'ñe re'oja'che pa'ijanaa'me. ¹⁴ Jã'ajekũna Dios chũ'o tochasi'e ija'che kuamũ:

Vũijũ'ũ mu'ũ, kãnisosi'kuja'che pa'iku.

Cristoni cuasa vajũjũ'ũ, mu'ũni miañeja'ñere re'oja'che pa'iche'te ñsia'ku,

chiimũ.

¹⁵ Jã'ajekũna ñamema'ñe si'arũmũ re'oja'che cho'ojũ pa'ijũ'ũ. Pa'ive'sũna pa'icheja'che pa'imanejũ'ũ; pa'imasina pa'iche pa'ijũ'ũ. ¹⁶ Irũmũ rũa cu'ache cho'ome pãi. Jã'ajekũna musanukonapi Dios chiiche'te si'arũmũ cho'ojũ pa'ijũ'ũ. ¹⁷ Masi cuasamana cho'ocheja'che cho'omanejũ'ũ. Maire Paaku chiiche'te asa chẽa cho'ojũ pa'ijũ'ũ. ¹⁸ Conore ũku jũ'ijũ pojomanejũ'ũ. Dios Rekochoji paaku cho'okaiũna re'oja'chere cho'ojũ pojojũ'ũ. Dios Rekochoji musanukonani paato pojojũ pa'ijanaa'me musanukona. Conore jũ'ijũ pani cu'ache cho'oche'te jũvovesũjũ musanukona rekoñoã cacu'asojanaa'me. ¹⁹ Dioni pojojũ ujare ujaũ Dios chũ'ore i'kajũ sãĩnechi'a re'oja'che che'chojũ'ũ. Musanukona rekoñoãpi pojojũ ujaũ'ũ, Maire Paakũji asa pojoa'ku. ²⁰ Musanukonani ũcuũache ti'jũeto mai Ja'kũre Diore si'arũmũ, "Re'orepamũ", chiijũ pa'ijũ'ũ, Maire Paakũni Jesucristoni cuasajũ.

Ûjũna'me rũjo re'oja'che pa'iche'te kuamũ

²¹ Musanukona Cristo'te cuasajũ sãĩnechi'a ña, kũkũjũ pa'ijũ'ũ. ²² Romi, muũjũpãĩ ña, kũkũjũ pa'ijũ'ũ Maire Paaku'te vajũchũcheja'che. ²³ Cristo Repaũ neenare chũ'ũñeja'ñe ũjũpi rũjoni chũ'ua'ku chini jo'kasi'kuamũ Dios. ũcuachi'a Cristo Repaũ neenare vati toa sani uuche ũsekaikũ'mũ, Repaũ ca'nivũja'ñe pa'ijũ ũcuate'ejũkuanupũ pa'inare. ²⁴ Cristo neena repaana Paaku chũ'ũñe'te cho'oto re'omũ. ũcuaja'che rũjoromi repaana ũjũpãĩ chũ'ũñe'te peore cho'oto re'omũ.

²⁵ ũmũpãĩ, mũrũjoromi oijũ paajũ'ũ, Cristo Repaũ neenare oiu jũni ro'ikaisi'ejã'che. ²⁶ Mai Repaũ chũ'ore asa chẽa Repaũni jovorena mai cu'are tũnosokakũna rekoñoã re'ojarekoñoã paa'jũ chini maini jũni ro'ikaisi'kuamũ Repaũ, maini paara chini. ²⁷ Jã'aja'ñe Cho'osi'kũpi jo'e rani maire Repaũ'te cuasanare sa paaku jũmakarũjẽ'e cu'achejẽ'e peonare re'onare carũñoja'mũ Repaũ maire Repaũ neenare. ²⁸ ũmũpãĩ musanukona ca'nivũã oijũ kuiracheja'che mũrũjoromi oijũ kuirajũ pa'ijũ'ũ. Rũjore oikũ meñe oicheja'che oimũ. ²⁹⁻³⁰ Pãĩ te'ejẽ'e meñe cuhema'ñe kuirajũ

ãu ãiju pa'ime. Cristo ùcuaja'che maire Repau'te cuasanare ùcuanukore ùcuate'eujakuanupũ pa'iju Repau ca'nivuja'ñe pa'inare kuiraku'mũ. ³¹Dios chu'o aperũmu tocha jo'kasi'e ija'che kuamũ:

Ûmuuji romio'te veja pũka'kupãi ja'me pa'isi'e jo'kaso rãjona'me pani ùcuate'euja'chea'me Diopi ñato, chiimũ. ³²Rua asavesamũ jã'a. Jã'ata'ni Jesucristo Repau'te cuasanare paache'te kuamũ repa tocha jo'kasi'e. Repau neena ùcuanuko Repau ca'nivũ ùcuate'eca'nivuja'ñe pa'iju ùcuate'eujakuanupũ'me. ³³Dios chu'o aperũmu tocha jo'kasi'e kuache'te kuaku ùcuachi'a chu'u aperũmu i'kasi'ere jo'e i'kara, ùcuare i'kasi'kuta'ni. Ûmũpãi, mũrũjoromi oiju paajũ'u mũsanukona meñe oicheja'che. Ûcuachi'a romi, mũũjũpãi ña, kũkũju pa'ijũ'u, chiimũ chu'u.

Pũka'kupãina'me mamachũi re'oja'che pa'iche'te kuamũ

6 ¹Chũi, mũja'kupãi chũ'uñe jachama'ñe pa'ijũ'u Maire Paakũni cuasaju. Jã'aja'ñea'me pa'iche re'oja'che. ²⁻³Diopi chũ'uũna Moisés tocha jo'kasi'e ija'che kuamũ:

Mũja'kũna'me mũja'kore ña, vajuchũju pa'ijũ'u. Jã'aja'ñe pani cheja rua jeerũmu pa'iju pojojanaa'me, chiimũ. Repau chũ'uñe cho'onare Repau re'oja'che cho'okaijachere kuaku chũ'uũna charo tochasi'ea'me jã'a. ⁴Mũsanukona, pũka'kupãi, chũi teache cho'omanejũ'u, pe'rumanea'ju. Jã'aja'ñe cho'oma'ñe cu'ache pa'iche'te ùseju, re'oja'che pa'iche'te che'choju jojajũ'u, Maire Paakũni cuasaju Repau chiiche'te cho'ojũ aineeju paaru.

Cho'oche cho'okainana'me repanare paana re'oja'che pa'iche'te kuamũ

⁵Cho'oche cho'okaina icheja cheja pa'irũmu mũsanukonare paanare ña, vajuchũju re'oja'che cho'oũ chini cuasaju repa chũ'uñe jachama'ñe cho'ojũ pa'ijũ'u, Cristo'te cho'okaicheja'che. ⁶Repanari pojoajũ chini repa ñarũmũchi'a cho'oma'ñe si'arũmu cho'oche re'oja'che cho'okaiju pa'ijũ'u, Cristo'te cho'okaina ñamema'ñe pojojũ Dios chiiche cho'okaiju pa'icheja'che. ⁷Mũsanukona cho'oche re'oja'che cho'ouache cuasaju masi cho'ojũ pa'ijũ'u, mũsanukona Maire Paaku'te cho'okaiju pa'icheja'che. "Pãichi'a cho'okaimũ chu'u ie", chiima'ñe, "Dioni cho'okaiũ pa'imũ chu'u", chijũ cuasaju rua masi cho'okaiju pa'ijũ'u mũsanukona cho'oche. ⁸Pãi chã paanana'me chã paamana re'oja'che cho'osi'e ro'ire Maire Paakũji repa cho'osinukoru pa'iche ùcuanukore te'enarechi'a re'oja'chere si'acairo ñsikũna koojache masime mũsanukona.

⁹Ûcuaja'che mũsanukona cho'oche chũ'uũna, asarepajũ'u. Re'oja'che cho'ojũ mũsanukonare cho'oche cho'okainare pe'ruma'ñe chũ'ũju pa'ijũ'u.

Iere cavesuma'ñe cuasajũ'u: Cunaumu Pa'iku Maire Paaku musanukonare ũcuanukore Paaku'mu, ainana'me cho'oche cho'okainare. Ũcuanukore ũcupa'rũva chiu musanukona cho'osi'e ro'i cho'osinukoru pa'iche re'oja'che si'acairo ĩsija'mu Repau.

Diore cuasana vature cavache'te kuamu

¹⁰Asarepajũ'u, chu'u majapãijana. Maire Paakuni cuasaju sêejũ'u, Repau peore masicheji cho'okaiuna koka paaju cacu'ama'ñe pañu chini. ¹¹Sõtao cavapi'rajũ peore cavakãña sa'checheja'che Dioni rua sêejũ'u, Ũcuajji cho'okaiuna jorechũ'opi musanukonani vatipi cacu'ora chiito koka paaju cacu'ama'ñe pañu chini. ¹²Pãire cavama'me mai. Cunaumu pa'inare cu'ache chũ'unani vati ainani cavanaa'me mai, re'oja'che pañu chini. Repana vati aina chijachejaja'che cu'ache pa'inani pã paaju chũ'ume. ¹³Jã'ajekuna sõtao cavakãña sa'checheja'che Dioni rua sêejũ'u, Ũcuajji cho'okaiuna jvomasiju vati musanukonare cu'ache cho'orumu ũcua cacu'ama'ñe pañu chini.

¹⁴Ija'che pa'iju cacu'ama'ñe pa'ijũ'u: Sõtao kãña sa'che ka'raja'imanea'ku chini corejakãña pi'iche tũañeja'ñe Dios chu'o ũcuarepare che'che masijũ'u. Sõtaopã ĩ'capũãre asi cho'ocojñoñe'te cuheju cunakãña tũĩñeja'ñe re'oja'chechi'a cho'ojũ pa'ijũ'u. ¹⁵Sõtaopã ku'ire'oa'ku chini botakoro ju'ijũ ku'icheja'che Diore re'oja'che ja'me pa'iche'te kuavajuchuma'ñe kuaju ku'ijũ'u. ¹⁶Ũcuaja'che saõñoã toa pa'ĩñoãre saocojñoñe'te cuheju sõtaopã tã'tako'ña cãjiñeja'ñe Dioni cuasaju sêejũ pa'ijũ'u, vatipi musanukonani cu'ache cho'oto Diopi tã'takaau chini. ¹⁷Sõtaopã sũjore asi cho'ocojñoñe'te cuheju cunatuhiroã tuhicheja'che Jesucristo maire jũni ro'ikaisi'ere si'arumu cuasaju pa'ijũ'u. Sõtaopã cavapi'rajũ va'jũña sia cãjiñeja'ñe Dios chu'ore masiju Dios Rekochoji cho'okaiuna Dios chu'ore i'kaju vature cajejaijũ'u. ¹⁸Jã'aja'ñe pa'ijũ ũcuachejeji ti'jũneto Dios Rekochoji cho'okaiuna cu'ache cho'omaneñu chini si'arumu Diore sêejũ pa'ijũ'u, cuhasoma'ñe. Ũcuachi'a, ñarepaju pa'ijũ, Dios neenare ũcuanukore si'arumu sêekaijũ pa'ijũ'u, cu'ache cho'omaneajũ.

¹⁹Chu'ure ũcuachi'a sêekaijũ'u Repajji cho'okaiuna Repau aperumu kuamanesi'ere Jesucristo'te cuasache kuachu'ore vajuchuma'ñe kuakuna pãipi asa masia'ju chini. ²⁰Cristo Repau chu'ore chu'vaa'ku chini chu'ure chẽa saosi'kuamũ. Chura Repau chu'o chu'vakujeku pã chẽavu'ere pa'imũ chu'u. Diore sêekaijũ'u chu'ure; vajuchuma'ñe Jesucristo pa'iche'te chekunani kuaku pasa.

Cuhacho tochasi'ea'me

²¹Tĩquico, chu'u cuasakujji, mai majapãijaja'ijji, Cristo'te re'oja'che cho'okaikujji musanukona pa'ichejana sani chu'u cho'ochena'me chu'u



Sōtao cavakāña ju'ikū'mu. (Ef 6.13)

pa'iche kuaja'mu. ²²Jā'are chini mūsanukona pa'ichejana saomu chū'u repa'u'te chūkuna pa'iche'te kuakuna asa pojoa'ju chini.

²³Mai Ja'ku Diona'me Maire Paaku Jesucristo cho'okaau mūsanukonare chūkuna majarpāijanare, mūsanukonari Repauni cuasaju sāiñechi'a oiju re'oja'che paaru chini. ²⁴Maire Paakuni Jesucristoni chiiju cuhasoma'ñe cuasanare ūcuanukore oiu re'oja'che cho'okaau Dios. Re'omu.

Pablo